

cit enim : Omnes justorum afflictiones sunt ultiones peccatorum ipsorum : unde Job , & Martyres , quæ passi sunt , propter sua peccata passi sunt . *Bajani enim non agnoscentes , Deum caros suos ex misericordia , & ad augmentum meritorum affligere , ut exerceatur illorum patientia , ut in Job ; ut experiatur illorum fortitudo , ut in Martyribus ; & ut omnia ista admirentur in sua Sanctissima Matre (sic enim amat latine loqui) quæ est omnium virtutum exemplar ; afflictiones etiam justorum autumant esse penas , quibus Deus justus judex peccata castigat , non advertentes ad id , quod Raphael Tobie dixit : quia acceptus eras Deo , necesse fuit , ut tentatio probaret te (Tob. 12.) . Quare fulmen damnationis non cadit supra primam partem propositionis 73. , quæ enuntiat , sed supra secundam , quæ si non studiose , saltem inconsiderate occultatur .*

Sed est ridiculum talia divinare . Propositio , quæ reprobat a Pio V. , partes habet omnino duas , Earum prima cum altera non est connexa . Nam sine illa potest altera intelligi : quin etiam debet . Continet enim alium errorem de actionis peccato in Deipara Virgine , cujus merito passa sit afflictiones humanæ vitæ . Hunc enim errorem suspicari licet ex illa particula *sicut* , qua justî cæteri comparantur cum Dei Matre : quos certum est peccatum aliquod veniale admisisse ; quosque Bajus affirmat ejusdem quoque causa , dum viverent , fuisse vexatos , non solius originalis . Deinde pars illa prima a priori non pendet propositione 72 . In hac enim de crimine actionis sermo pariter est ; quippe Jobum , & Martyres ait *propter sua peccata esse passos* . Pars vero prima 73. propositionis culpam originis unice habet , quam & Virginem contraxisse , & ei causam fuisse obeundæ mortis affirmat . In ea parte vitium est peculiare , quod censura norandum fuit a Pio V. Nam cum piæ sententiæ patrocinium jamdiu antea suscepisset Ecclesia ; indigna res erat , a Bajo , non in gymnasio disputante (quod si unum fecisset , erat ejus ætate tolerandum) sed in vulgi frequentia palam docente hoc pronuntiari : *Nemo præter Christum est absque*
pec-